

從一位大勳位侯爵大隈公墓誌

公諱重信初稱八太郎大隈氏本姓菅原其系出自天滿公考諱信保妣杉本氏諱三井子世仕佐賀藩公少而師枝吉神陽修和漢學又遊長崎學洋籍為藩主鍋島開叟公所知明治中興以其薦登庸于朝年甫二十九累遷參議兼大藏卿迨國會開設論興以議不合而去糾合同志立改進黨推為總理既而又起為外務大臣二年而罷尋任樞密顧問官又未幾免居六年復起為外務大臣二年而罷後復起為內閣總理大臣兼外務大臣六月而罷每罷特首待以大臣禮今上踐阼再為總理大臣大正三年天皇行即位禮公率中外文武百官上賀我朝建國以來布衣任冢宰輔大禮實公為始明辛以疾乞罷優詔允之論以加餐自愛永賴贊襄匡輔仍賜大臣禮如故以大勳位班于首相之上十年皇太子攝政又申聖旨望以贊匡事十一年一月十日薨于早稻田私第距生天保九年二月十六日春秋八十五元配江副氏繼室名綾子故征夷府士三枝賴永女無子女二人長熊子次光子養伯爵南部利剛子英磨配熊子以為嗣有故廢養伯爵松浦詮子信常以光子配之實承後公其位至于正二位大勳位其爵至于侯爵病革詔叙從一位授菊花章頸飾薨之日天使泣而錫誄葬于皇城西北護國寺塋域公兩朝元老以自繫國家輕重者五十餘年聲望遠播海外諸國使節名士來朝輒問其安否平居嗜讀書尤留意于東西文明變調嘗自捐貲創東京專門學校教育人才後改曰早稻田大學造材成器者凡二萬人蓋公進退蹇一匪躬一存報國偉德豐功固必有百世弗諼者矣乃謹叙其梗概以備陵谷云

早稻田大學教授牧野謙敬撰

大正十一年一月